

Q. D. B. V.
DIATRIBE HISTORICA
PRIOR

Quâ
GENUINAM
CURLAN-
DÆ GENTIS
ORIGINEM

Amplissimi Philosophorum ordinis suffragio
LEUCOREIS ATHENIS

publicè recensebit

PRÆSES

M. SAMUEL RHANÆUS,
Gramsdenâ Curlandus

RESPONDENTE

JOH. CHRISTOPHORO ERNESTI,

Keula - Thuringo.

Addiem Octobr. A.O.R.M.DC.LXXXIII.

H. L. Q. C.

WITTEBERGÆ, Typis Viduæ AUGUSTI BRUNINGII.

PROOEMIUM.

Non sanè nihil ponderis habet,
quod rerum diu oblitteratarum vetustas multis
difficultatē objicit, & plerosque ab instituto
deterret, ut vel in conatu operis calamum abjiciant,
& victi molestiā conquiescant. Quod mihi nunc
evenire fateor, dum & Scriptorum antiquorum silentiō, &
monumentorum inopiam me à proposito revocari sentio, ut
non ausim mihi sāmēre, quod captum excedit. Historiam
contexere, per se grave; Sed CURLANDORUM antiqutates evolvere non Tyronis est, sed Delium, ut dicitur,
natatorem exposcit. Amor tamen in Patriam, cui dicente (a)
Bembō, nihil tam arduum est: quin id exuperet, defendit incep-
tum, & temeritatis me absolvit, quorsum spectant (b) *Procopii*
“scitissimi Sophistae verba: Si Parentibus officium reddere, cum
“veterum dicta, tum lex naturae præcipit, quantam æqvum est
“Patriæ gratiam rependere, è qua Parentibus etiam vivendi ini-
tiū prodīt. Itaq, ego spe ducor, nec falli me existimo, si ru-
di hōc & incompositō schediasmate non quidem referre Pa-
triæ ornamenta, & in me etiam extantia merita, sed tamen pie-
tatem meam qualitercunque testari possim: Id enim gratum
meritis testimonium fore confido, hoc magis, quod suave sit,
“versari inter Majores suos, & veterum dicta factaq; recensere,
“atque eorum venerationi totum se dare. Quod (c) *Egesippis*
effa-

(a) *Petr. Bembo in Histor. Venet. Lib. I. pag. 12.* (b) *Epistola XLIX.*

(c) *De excidio Hierosolymitano L. IV. Cap. XVIII.*

est fatum est, quodque (a) Ovidius jam dudum commendavit.
Cum autem difficile impeditumque sit, tradere Historiam, è
monumentis erutam, tum parum de conatu meo sperare pos-
sum: Tantum ergo abest, ut credam, me ultimas gentis nostræ
origines accuratè posse exsequi, ut potius sentiam, non medio-
crem esse facultatem, quæ tot implicatas astrusasquæ gentis
nostræ res complecti, & exactius consignare possit. Nihil ve-
rò mihi tribuo, quod ex tripode exceptum sit: Probabiliora cu-
jusvis judicio libens relinquo: Multò minus cuiquam aliquid
meorum obtrudere cupio, quippe discendi avidus, & promptè
admissurus, si meliora afferantur. Nam omnia me deficiunt,
ætas, rerum usus, subsidia, apparatusquæ doctrinæ uberioris:
Unum me, præsertim cum animum ad antiquissima revoco, so-
latur, quod me Sapientes docuerunt: Tam diu haben-
da quædam certissima esse, quam diu
non dantur iis certiora.

§. I.

Priusquam verò rem ipsam ingredi-
ar, vocabula mihi introspicienda sunt, quibus præsca gens
appellata est; atq; hæc eò minus negligenda mihi viden-
tur, quod rerum notæ dici solent, & sæpe ad illas investigandas
attinent, conferuntq; per multum. Ordinar autem à SCYTHA-
RUM nomine, quod primas terræ nostræ incolas habuisse non
dubito, & scio mihi adsentiri gravissimos Scriptores, tum id po-
tissimum mihi argumento est: quod vetustissimi Græcorum (b)
“ Scriptores, quicquid versus Septentriones ultra Emaum E-
“ modumq; montes, mare Caspium, Caucasia juga, Pontum Eu-
“ xinum,

(a) Nescio qua natale solum dulcedine cunctos
Dicit, & immemores non sinit esse sui.

(b) Vid. Phil. Cluverus German. antiqua Lib. I. Cap. II. p. 19.

“xiuum, Istrum amnēm & Alpes marequē internum situm est,
hoc uno SCYTHIÆ nomine appellarent. Postmodum verō
“cum autore (a) *Plinio*, SCYTHARUM nomen usquequaq; in
“Sarmatas atque Germanos transiret; cumq; alii apud (b) *Stra-
“bonem* Septentrionem universum in tria Arimasporum, Sar-
“matarum & Hyperboreorum genera nominaq; dividerent, si-
gillatim SARMATARUM vel SAUROMATARUM & in (c)
Chronico Alexandrino Γαραμάντων nomen adepti sunt, quos tan-
dem SLAVINOS & (d) *Phil. Cluvero* judice, rectius SLAVOS
posterior ῥetas Mauritanas (observante (e) *Melanchtone*,) Theo-
phylactus etiam *Simocatta* imitatione Latini nominis Σκαθηνες:
appellavit, ac eosdem RIPHACES quoq; dictos esse ex (f) *Pom-
ponio Mela* colligi potest; tum & SPORIORUM appellati-
one à Græcis notatos (g) *Alex. Guagninus* tradit, atq; dum FEN-
NORUM nomen à Prussis ad Lithuanos usq; (h) *Altammerus*:
“extendit, dumq; HERULIS veteribus Lithuania, & reliquas:
ejusdem gentis provincias sedem atquē originem fuisse, non
ambigit (i) *Kojalovvitus*, conterminos hosce de utrisq; parti-
cipasse nominibus, verosimile videtur.

§. II. Sarmatae autem procedente tempore novas subin-
de instituebant colonias, quarum prima, & si (k) *Ptolemaeum* se-
quimur, maxima pars VENEDI extitere, & hunc terræ tractum
insedere; quod infra plenius memorabo. Hic interim tacen-
dum non est, Venedos postmodum, subintrantibus Æstiis, VE-
NEDORUM in ÆSTIORUM (qui & ÆSTIL & (l) *Jornandi*
ITEMESTI & ÆSTRI, (m) *Cassiodoro* HÆSTI, AISTI denique:
(n) *Eginharto* dicuntur) nomen commutasse, & divisâ à *Pli-*

43:

nio:

- (a) *Hist. natural. Lib. IV. Cap. XII.* (b) *Lib. I. Cap. XI.* (c) *Vid. Sam.
Bochartus in Phaleg. Lib. III. Cap. X. p. 198.* (d) *Germ. antiqua Lib. III.
Cap. XLIV. p. 690.* (e) *in Chronic. Carion. Lib. IV. f. 312.* (f) *Lib. I. C. II.
(g) in Sarmat. Europ. descript. f. 3.* (h) *in Tacit. ap. Schard. Rediv. TI.
f. 36. 8.* (i) *Hist. Lith. Part. I. Lib. I. p. 5. seq.* (k) *Lib. III. Geograph.
Cap. V.* (l) *Lib. de reb. Get. Cap. V. pag. 615. & Cap. XXIII. pag. 643.*
(m) *Lib. V. Var. Epist. II.* (n) *in Vita Caroli M. Cap. XII.*

æstiorum Gente in Scyros & Hirros, HIRRORUM nomen obtinuisse. Confer. (a) *Jornandes*, qui & *Jordanus* & *Gordianus* dicitur, (b) *Cassiodorus* & post utrumq; (c) *Eginbartus* cum recentiores (d) *Cluverius* (e) *Zeilerus*, aliiq;. Dum verò (f) Scriptorum nonnulli prædictos Æstios commutatò nomine GOTHOS appellant, profectò subindicant, Gothorum progeniem fuisse; inde forsitan evenit, ut GOTHÆ ORIENTALIS appellatione designaretur apud (g) *Bilebaldum Birkeimerum*. Postremo ARIOS etiam atq; MANIMOS (h) *Melanchton* collocat, ubi nunc Curetes suas sedes atq; Samogethi habent, etsi tam non nesciam, aliter eosdem (i) *Althammerum* interpretari. Atque hæc quidem prima & antiquissima Patriæ gentis nomina strictum breviterquè perstrinxì, ut ultimos ejus mores non abliorrere à Curlandis, factaq; congruere, & ex HIRRORUM, ÆSTIORUM, VENEDORUMque monumentis arcessi “huc posse, ostendam: ceu & de Venedis intelligenda pleraq; “omnia, quæ Historiæ Romanæ Scriptores inde jam à Trajano “Imperatore de SARMATIS memoriæ mandarunt, haud ineptè colligere videtur (k) *Cromerus*.

§. III. Christianis seculis alia recepta sunt, quorum tam illud servatà temporum serie, antiquius videtur, quò ante nominis specialis originem communiter LIVONES dicebantur; qui Tacito LEMOVII sunt, (l) *Althammero* teste, & EFLUI, (m) *Jocodo Willichio Reselliano* annotante, (n) aliis *Die Enffen* & *Effländter* / (o) *Alexandro Guagnino* LOTIALI atque LOTWONI (p) *Bonfinio* eriam LIBONES, perinde

- (a,b,c) locis proximè citatis (d) *German. antiqua* Lib. III. Cap. XLVI. pag. 693. (e) *Itinerario Germ.* Cap. I. fol. 13. (f) *Vid. M. Christ. Hartknoch de var. reb. Pruss. Dissert. I* p.32. (g) in *Germ. explic.* que exstat apud Schardium rediv. Tom I. f. 12. (h) in *Chron. Cario.* Lib. IV. fol. 304. (i) in *Tacit. ap. Schard. rediv.* Tom. I. fol. 33. (k) *de orig. & reb. gest. Polon.* Lib. I. Cap. XII. fol. 42. (l) In *Tatitum apud Schard. rediv.* Tom. I. p. Vid. & *Volateranus Geograph.* Lib. VII. & *Aeneas Sylvius Europ.* Cap. XXVIII. (m) apud Schard. rediv. Tom. I. fol. 66.D. (n) *Vid. præter Weisselium Chron. ord.* fol. 39.b.41.b. 42. (o) *Sarmat. Europ. Descript.* fol. 45. (p) *Rer. Hun. dec I. Lib. I. f. 3.45.*

ac terra eorundem LIBONIA. Et idem LIVONUM nomen multis hodiè Scriptoribus cum Livonia speciatim dicta commune habere gentem nostram, in aprico est, et si, quando pri-
mum exortum sit, haud facilè explicare queamus, fatente id i-
psum doctissimo harum originum interprete (a) Cluvero. Quod
verò etiam PRUSSOS dici (b) Helmoldo (c) Cluverus obseruat,
id unò duntaxat exemplò setuetur, & nusquam alibi proditum
esse, tutò affirmare ausim.

§. IV. Porrò etiam CARYONES dici Ptolemao (d) Mat-
thias Strykovskius opinatur, non inani conjecturā, aut insci-
tō verosimilitudinis argumentō, quod temporibus Carolovin-
gorum gens hæc dicta sit CHORI, unde CHORIONES, vel
mutatā literā CHARIONES appellationem sortitos, prorsus
existimare licet. Sribit namquè (e) Joh. Aventinus: Venedos
“CHARIONES propriè dictos eam Norici portionem, quæ in-
“fra Taurum montem Orientem spectat, & inter fontes Muræ,
“Dravi, Savi, includitur, usque Aquilejensem agrum occupasse
& adhuc possidere; Fortè enim sub Venedorum nomine ali-
quando eorum portio in oras Imperii Romani, specialiter in
Noricum migravit. CHORI verò antiquitus, cum Carolo-
vingi regnarent, appellatam esse Regionem nostram (f) Ada-
mus Bremensis, Antistes fide dignus, cum Rege etiam Daniae fami-
liariter collocutus, ex vita S. Ansgarii tradit docetq;. Non vi-
detur congruere, quod (g) M. Christ. Hartfnoch de Popu-
lo interpretatur, quod Adamus de Provincia expressit; Sed salva-
res est, quoniam Adamus stylum Remberti usumq; Scriptoris
ævi Carolovingici non iisdem verbis reddidit, sed Provinciam
nominavit, quod is de gente scripsit. Verba hæc sunt (h) Gens
quædam abest, (Sueonibus) longè posita, quæ vocatur CHORI.

§. V.

- (a) Germ. ant. Lib. III. C. XLVI. p. 695. (b) Lib. I. Chron. Slavor. Cap. I.
(c) Germ. antiq. l. c. (d) Lib. II. Hist. Lith. Cap. VI. & quæ ejusdem
magis quam Alexandri Guagnini creditur, Sarm. Europ. descript. sol. 48.
(e) in Bojorum annal. Lib III. sol. 150. (f) Lib. de situ Danie & reliq.
Septentrion. Region. Cap. 223. p. 146. (g) in Disp. de Curonorum Republ.
habita Regiomonti Anno 1678. §. 1. (h) in vita S. Ansgarii Cap. XXVII
p. 216.

¶. V. CURETES & CURI nominantur (a) *Saxoni Grammatico*, quem sequuntur (b) *Philip. Melanchton* (c) *Joh. Magnus Gorhus* (d) *Joh. Funcius* (e) *Alb. Kranizius* (f) *Zellerus & alii*, ceu & ipsa Curetum vel Curorum regio CURIA (g) sequoribus dicta est, & mutata subinde CURIA in CURONIAM, CURONES, nec non CURONI Incolæ vocari cœpere. Probé tamen distinguendi nostri, quos jam lustravimus, CURETES, ab illis sunt, qui in parte Ætolorum collocantur apud (h) *Strabonem* & (i) *Stephanum*: alii eos Cretæ adscribunt, & sub aliis non minibns Dactyli, Idæi, Coberi, Telchines, Aracnanes, Curiones, Corybantes hinc inde apud (k) Scriptores occurunt. Qvamvis nostros hosce ab illis nomen traxisse haud dubiò fortè evenitu inde colligam, quod illos Cybeles Deæ (qua & Rhea & Ades & Phrygia & Idæa & Dindymenes & Pylenes & Pessinuncia dicitur) Cultores fuisse, ex dictis modò Scriptoribus constet; Cybelem verò & his quondam oris cultam, Deamvè habitam (l) *Willichius* (m) *Cluverus* & alii ex *Tacito* luculenter probant; unde fortè exterios ex cultus divini harmonia & nominis similitudinem elicuisse, etsi non indubium, credibile tamen mihi videtur. Neque confundi debet nostra CURIA cum urbe Diœceseos Curiensis seu Rhætiæ Curiensis, ubi CURIA est Antistitis sedes. De quo vid. (n) *Ægid. Schudus Claronensis* (o) *Cluverus*, aliique.

§. VI.

- (a) *Histor. Dan. Lib. III. fol. 42. 31.* (b) *in Chronic. Carion. Lib. IV. fol. 304. & 313.* (c) *in Gotb. Suconque Histor. Lib. V. Cap. II. p. 196.* (d) *in Chronolog. fol. 153. ad annum 1248.* (e) *in Wandal. Lib. I. Cap. XI. fol. 10.* (f) *Itinerar. German. Cap. XXIV. fol. 120.* (g) *Vid. Phil. Cluv. Germ. antiq. Lib. III. Cap. XLIII. p. 689.* (h) *Lib. IX. de situ orbis fol. 426.* (i) *in Notis ad Saxonem Gram. Lib. I. His. Dan. fol. 48.* (k) *Vid. Diod. Sic. Lib. III. Rer. Antiq. Cap. V. fol. 95.* *Pausan. in Græcia descript. Lib. V. fol. 299. 26. it. Lib. VIII. fol. 492. 46.* *Lucanus de bello civ. Lib. I. p. 33.* *Perrottus in cornu cop. fol. 499.* (l) *in Tacitum ap. Schardium redivivum Tom. I. fol. 66. XXVI. & fol. 35. 3.* (m) *Germ. ani. Lib. I. Cap. XXVII. p. 200.* (n) *in Alpine Rhætiæ descriptione Cap. XII. exstat apud Schard. rediv. Tom. I. fol. 279.* (o) *Ital. ant. Lib. I. Cap. XV. p. 81. & Cap. XVI. p. 92.* §. XXII.

§. VI. *Adamus* verò *Bremenensis* primus latina provinciæ hujus vocabula civitate quasi germanica donasse, & inde *Curland* composuisse videtur, cum is, quantum mihi quidem constat, primus nominis *Curland* mentionem faciat, & in libro (a) *desitu Daniae* exponat atque describat. Perperam autem, & contra Tiotismi leges (b) aliqui *CURLANDIAM* nostratem *GERLANDIAM* appellant. Quo itidem judicio (c) *Michael Antonius Baudrand* corruptè *CURLANDIAM* appellitari censeat, id doctiorum censoræ permitto, qui Germanos nomina à regionibus ducta extendere, atque annexò Germanorum vocabulō *Land* (ut ex *Tuisciā Tuiscland*/vel *Teutschland*) pronunciare, ex eorundem dialecto non ignorant.

§. VII. Neque id nesciunt incolæ, dum dialectum hanc ad suum quoque idioma traxere, & hujus nominis provinciam *Kurr Semme* / ad imitationem quasi conformare voluerunt. Illud verò *Kurr Semmes* etymon, quod nonnullos ab illius idiomaticis *Kurr* (ubi) & *Semme* (terra) conflare memini, quasi priñi ejus inventores, terram quærentes (*Kurr Semme?* ubi terra?) in hanc regionem delapsi fuerint, & inde nomen imposuerint; id inquam cum fabula conjunctum est, & ne operæ quidem mihi pretium videtur, nunc perscrutari. Etsi tamen *Vid Semme* (Livoniam) à mediò quasi inter *Æstiam*, *Semgalliam* ve situ nominari, & tutò concedi, & simile aliquid de *SEMGALLA* existimari possit. De qua rectè, et si alias peroperam tradens, (d) *Michael Antonius Baudrand SEMGALLA*, „ inquit, est Livonia pars, sic dicta, quasi terræ finis: Quasi nempe, *Semmes Gals*. Exinde liquet etiam, minus accuratè dici nonnullis *SEMIGALLIAM*, quasi quid Galliæ præ se ferret; & miror, id fecisse Virum ceteroqui egregium (e) *Albertum Kranzium*, dum Semigallos, inquit, Senogallos à Latinis arbitrari appellari, quod ex Gallorum gente provenerint, ac diffusi

B

sint

(a) *De situ Daniae & reliq. Septentrional. Region. Cap. 223. pag. 146.* (b) *Albertus Miræus in Not. Episcop. Lib. V.* (c) *in Geographia sub nomine Curland. fol. 314.* (d) *Geograph. fol. 224.* (e) *in Wandalia Lib. I. Cap. X. fol. 10*

, sicut quod magnis olim agminibus Italiam vastarint, Urbem
,, Romanam incenderint, & Thracias, ac multis gentes diffude-
,, rent, ut essent Gallo-Græci &c. Seno Gallos equidem, (qui
& Galli Senones & Seno-Gallenses audiunt) & Gallos esse, &
perpetrasse hæc, nemo facile inficias iverit, confirmantibus in-
primis id ipsum (a) *Silio*, (b) *Livio*, (c) *Polybio*, (d) *Floro*, (e) *Paulo*
Diacono, (f) *Dionysio Halicarnassensi*, (g) *Columella*, aliisque non
paucis. Ast in hanc usque partem mundi excurrisse eos, terræ
occupatae a se nomen indidisse, nec vestigium est apud Histori-
cos, quod confirmet; nec Synchronismus patitur, neque sermo-
nis argumenta concedunt.

Fortè hoc si scivisset
Auberius, ad ineptum prætensionis uni-
versalis Gallicæ commentum, atque adeò
ad injustum reunionis institutum adhi-
bere potuisset.

§. VIII. Nunc verò fracto cortice, sectisque quasi puta-
minibus, nucleus ipse duobus veluti condiri posse thematibus:
,, videtur; quorum alterum quidem veram & propriam, atque
,, adeo primævam gentis originem indaget, alterum verò, u-
,, trum indigenæ sint Incolæ, de quorum nunc primordiis con-
,, stet, an verò alienigenæ, discutiat ac persequatur. De primo
quidem, ob varia sententiarum divortia, non convenit omnino
inter eruditos, liquet tamen certò, VENEDORUM gentem an-
tiquissimam esse & adduci posse, quæ hanc terram semper co-
luerit & habitarit. Huc redeunt omnium, quotquot res Cur-
landicas vel in transitu saltem attigerunt, suffragia, & quibus-
cunque etiam, vel incidenti modò, & cursim, atque obiter conti-

git,

(a) *Lib. VIII. & XV.* (b) *Lib. V. & XXVII.* (c) *Lib. I. & II.* (d) *Lib. I.*
Cap. XIII. (e) *Longobardic. rerum Lib. II. Cap. XXXIII.* (f) *In Lega-*
tionum excerptis. (g) *de re rustica Lib. III. Cap. III.*

git, ut aliquid de gentis nostræ origine traderent, Venedis sanc-
eam acceptam ferunt. Suffragatur peritissimus Venedorum hi-
storiæ (a) *Bangertus*, qui dictos modo Venedos (qui & VENE-
TÆ & VINIDI & VENETI & HENETI promiscuè apud Scri-
ptores audiunt,) totum Sinum Venedicum non inhabitasse
modo, sed & marie eidem nomen dedit ex *Ptolemaeo*, *Tacito*,
Plinio & alijs demonstrat. Accedit, quod (b) *Jodocus Willichius*
Resellianus, expresse sinum Venedicum hodiè Curiensem, à
Curiorum Regione, vulgo *Curland*/nuncupari adserat. Ut
ne dicam, quantum ponderis ea argumenta habeant, quæ (c)
Cluverus, de oppidi amnisque Curlandorum *Windau* (genti
Wente) nominibus, à gente Venedorum antiqua acceptis, &
adhucdum retentis, superstruit. Multò minus hic repetere
opus est, quod doctissimè (d) *M. Christ. Hartknoch* in hanc
sententiam scribit, probatque ex argumento succini, quod, col-
ligi quondam apud Venedos solitum, Poëtis fabularum occa-
sionem dedit, ut Venetis Henetisvè adscriberent, quæ Vene-
dis Sarmatarum populis erant tribuenda. Conferantur (e)
Ptolemaeus, (f) *Plinius*, (g) *Tacitus*, (h) *Antonius Bonfinius*, (i)
Martinus Cromerus, (k) *Herman Conringius*, (l) *David Chytra-
eus*, (m) *Joh. Matthias à Sudetis*, (n) *Joachimus Vagetus*, (o) *Va-
dinus*, (p) *Zeilerus* & alii plures.

§. IX. Quod cum obductante nemine, perse clarum aper-
tumvè sit, ac omni omnino dubitatione careat, inquirendum

por-

- (a) In *Chronicon Slavorum Helmoldi* Lib. I. Cap. II. pag. 9. (b) in *Tacit. de German. moribus* Lib. II. Cap. XXII. exstat apud Schard. redip. Tom. I. fol. 66. a. (c) *German. antiq.* Lib. III. Cap. XLIV. pag. 689. (d) *de Var. reb. Pruss. Dissert.* II. pag. 26. (e) *Geograph.* Lib. III. Cap. V. (f) *Histor. natur.* Lib. IV. Cap. XIII. (g) *de German. moribus.* (h) *Rerum Hungar. Decad.* I. Lib. I. fol. 2. (i) *de Polon. origine & rebus gestis* Lib. V. Cap. IX. fol. 9. 10. (k) *de finibus Imp. Germ.* Lib. I. Cap. II. & Cap. XVI. (l) *in Wandal.* pag. 1. u. (m) *de origine Bohem. & Slav.* fol. 2. (n) in *Geo- graphia* pag. 146. (o) *de colleg. Germ.* Lib. II. pag. 91. (p) *Itiner. Germ.* Cap. I. fol. 3.

porro in Venedorum originem est , ut sic per gradus quasi,& identidem, ad primum terræ hujus conditorem ascendamus. Venedam verò gentem à Sarmatis oriundam esse, tot Scriptorum firmant suffragia, ut lucem Soli addere velle viderer, si id probandum susciperem , quod jam diu ante me eruditii homines confessum dederunt: Si cui tamen hanc operam sumere libeat, præsto erunt (a) Ptolemaeus, (b) Plinius, (c) Job: Aventinus, (d) Cromerus, (e) Kranzius, (f) Guagninus , aut potius rectiusvè Matthias Strykovsky Ossostevicius, (g) Alammerus, (h) Zeillerus, aliique complures.

§. X. Nec tamen nobis adversatur (i) Melanchton , qui „ universam Venedorum Fennorumquè & alibi Slavorum gentem (eàdem origine) ab Henetis ortam esse , judicat, quos Herodotus affirmat ex Asia egressos in Illyrico consedisse. Et paulo post, nequaquam, ait, illis assentior, qui affirmant, seu Polonos, seu Venedos, seu Slavos, Scythicam gentem esse , sed ab Henetis propagati regnarunt, & in Illyrico, & in Sarmatia, & Respublicas magnò consiliò constituerunt: Namque id saltem non impedit, quo minus dicamus, & Henetos ex Paphlagonia in has & vicinas Europæ oras egressos, Sarmatarum nomen adeptos esse , atque sic ne Philippum quidem Venedorum originem Sarmatis denegare.

§. XI. Multò minus nobis officiunt, qui à Germanis Venedorum origines repetunt , quos manifestum est, impingere in scopulos, & ire in præcipitia, atque ut dicam, quod res est, confundere VENEDOS cum WANDALIS, (alii Vandilos, Vandelos, Vandilos, Vandulos, Vindilos, Vinulos & Vinilos, (k) Zofmus

(a) Geograph. Lib. III. Cap. V. (b) Hist. nat. Lib. IV. Cap. XIII. (c) in Annal. Bojor. Lib. I. fol. 8. (d) de orig. & reb. gestis Polon. Lib. I. Cap. XII. fol. 12. (e) in Wandal. Lib. IV. Cap. VII. fol. 131. 45. & Cap. IX. fol. 133. (f) in Sarmat. Europ. fol. 1. a. (g) in Tacit. ap. Schard. rediv. fol. 3. a. (h) Itiner. Germ. fol. 12. (i) in Regionum & Gentium vocabulis, que recentur ap. Schard. rediv. Tom. I. fol. 77. b. (k) Lib. I. pag. 37.

m̄us βα'διλς, dixit,) qui origine, Parentibus, loco, lingua, mori-
bus institutisque à Venedis distincti, Germanæque originis fue-
runt. Prout ex (a) *Plinio*, (b) *Tacito*, (c) *Zosimo*, (d) *Francisco Irenico*, (e) *Mich. Beuther*, (f) *Procopio*, (g) *Helmoldo*, (h) *Cluvero*,
aliisque, nemini facile non constat. Venedos autem oriundos esse à Sarmatis, nec Germanis adscribi posse, enumerati jam
supra Scriptores ad unum omnes concedunt. Hinc etiam Venedos à Vandalis secernunt accurati diligentesque Autores,
(i) *Martinus Cromerus*, (k) *Bangertus*, & alii, cautèque admonent, non oportere non distingui populos, quos, vel me tacente,
migrationum historia distinguit; quorsum videatur Magnus
SCHURZELEISCHIUS, Præceptor meus ævitemnum colendus
amandusve.

§. XII. (m) *Taciti* ceteroqui lōcum, quo Venedorum na-
tionem Germanis an Sarmatis adscribat, dubitare sedicit,
eruditè interpretatur (n) *M. Christ. Hartknoch* / dum non ea-
propter dubitare Tacitum annotat, ac si negare velit, Venedos
originem suam debere Sarmatis; (id enim ipsum concedere,
inquit, existimo,) sed eò, quod rationē domicilia figendi Ger-
manicam in iis animadverterit. Quanquam & hic confusæ
nominum rationes extant apud aliquos, dum promiscuè utros-
que populos sumunt, & Venedos sub Vandalorum, Vandalo-
vicissim sub Venedorum nomine venditant, exponuntque; Ita
namque & Venedi Germani, & Vandali Sarmatæ (quod tamen
coargui debet, & sine confusionis nominum patrocinio dictum
volo) nuncupari possunt.

§. XIII. Nunc cum ad Sarmatas progredior, ordinis at-
que instituti ratio postulat, ut quisnam Sarmatarum Pater, quis-

B 3

ve

- (a) *Lib. IV. Hist. nat. Cap. XIV.* (b) *de Germ. moribus* (c) *Loc. cit.* (d) *Exe-
ges. Germ. Lib. Cap. XXXIII.* (e) *Animadvers. hist. Lib. I. pag. 15.* (f)
Lib. I. Histor. Vandal. (g) *Lib. I. Chron. Slav.* (h) *German. ant. Lib. III.
Cap. XLVI.* (i) *de origine & reb. gestis Polonorum Lib. I. Cap. X. fol. 10.*
(k) *in Helmold. Chron. Slavorum Lib. I. Cap. II. pag. u.* (l) *in Dissert.
de reb. Slavicis & IV. Not. e.* (m) *Libro de German. moribus Cap. XLVI.*
(n) *de var. reb. Pruss. Dissert. XIX. §. 1. pag. 396.*

ve conditor exsisterit, accuratius paulò exponam. Primo ve-
rò omnium, removendum hic est, quod Herodotum sensisse
(a) *Ant. Coc. Sabellicus* annotat, quodque ipse in dubium vocat,
& quantum fabula distet ab historiâ, dijudicat; acsi nimis ex
Amazonum cum proximis Scytharum accolis congressu, ori-
undi sint Sarmatae. Maximè fidem meretur, quod docti ferè
omnes concedunt: Sarmatas à JAPHETO prognatos esse, et si
tamen aliqui, nec iū obscuri nominis Viri, dissentiant. Inter
SEMI posteros sanè numerat (b) *Cromerus*, qui in hanc senten-
„ tiam scribit; Slavos, inquit, & Venedos, ipsos esse priscos Sar-
„ matas, vel ut Græci dicunt, Sauromatas, dispersisque à turris
„ Babylonicae adificatione, post diluvium, universæ terræ homi-
„ nibus, has oras occupasse opinamur, non à Tuiscone, sed ab A-
„ sarmate seu Sarmate, quem Moses & Josephus, Ebræi Scripto-
„ res, Istri & Jectani filium, Semi nepotem, Noæ pronepotem
„ fuisse memorant, nomen originemque ducentes; peculiaria
„ deinde nomina eos vel à locis, vel à principibus, vel ab eventu
„ aliquo, ut sit, sibi sumisset. A quo si non planè, parum tamen
ab ludit (c) *Joh. Aventinus* dum Thuisconem Gigantem Ger-
„ manorum & Sarmatarum Patrem, cum viginti ducibus, Sami
„ fratri sui nepotib⁹, ex Armenia venisse in Europam, primum
„ que eorum Ducem, Sarmatam, fundasse Sarmatas, prolixè tra-
dit. Huic testimonio accedere videtur nova quæpiam ratio, ea-
que à ritib⁹ Ebræorum sumitur, quos in Lithuania, pariter atque
in Curlandia, viguisse olim constat, nec hodienum exspirasse pe-
nitus, vestigia produnt: cumque hac faciunt etiam (d) *Joh. Func-
cius*, & quem ille quidem (e) alio loco citat *D. Andr. Osiander*,
qui ab Israelitis, ductu Salmanassaris in captivitatem tractis, eō-
dem argumento, eos derivant; quibus suffragatur etiam (a) *Se-
verinus Gæbelius*, hoc unò ab illis diversus, quod Judæos non à

Sal-

- (a) Ennead. II. Lib. V. fol. 105. (b) de origine & reb. gestis Polon.
Lib. I. Cap. XII. fol. 12. (c) in Annal. Bojorum Lib. I. fol. 8. 10. seqq. (d)
in Comment. in Chronolog. Lib. X. ad annum Chr. 1217. (e) Loc. c. Lib. I.
ad annum mundi 3217. (f) in dem einfältigen jedoch gründlichen Be-
richt und Bedenken vom Ursprung des Agat und Bornsteins C. III.

Salmanassare in captivitatem actos, sed desolata Hierosolyma, &
Tito Vespasiano expulso, in has oras venisse contendat.

§. XIV. At enim verò, si quod rei veritas exigit, dicendum est, tota divinior historia refragatur *Cromero*, neque cum eo congruunt *Moses & Josephus*, ad quos ille provocat, dum neuter horum Asarmatēm *Semi*-nepotem, Noachique pronepotem nominat, sed sacra *Genesis* Hazarmapheten, (qui alias etiam Hatsarmaphet & apud Arabes Abdramauth vel Chadramauth audit) Jactani filium, Eberi nepotem, Salæ pronepotem, Arphachadi abnepotem, *Semi* atnepotem, Noachi tandem trinepotem fuisse docet. Tum & ab Asarmate non Sauromatas, sed Atramotitas, Chatramotitas, Chatramothas, Chatriminitas, & Chatriminititas, Atramitas etiam & Adramitas, dici Græcis deducique, & hos tandem ipsos ad unum omnes fuisse Arabes, (a) *Sam. Bochartus* scitè explicat: Quorsum spectant et jam (b) verba ejusdem Josepho opposita: Eos nihil plus probbo, „ qui nimium remota consequantur, ut qui ex Chavila deducit „ Babylacen, & Sachalitas ex Sabteca. Et in ultimo Septentri- „ one Opharitas & Sarmatas ab Ophir & Hatsarmaveth, qui in „ extremo Austro siti sunt. Ac, ut verbō rem expriam, Sauromatarum populi non à conditore nomen, sed à morib⁹ (quod suō locō docebitur,) acceperunt. Quod verò ad *Aventini* verba attinet, non agnoscunt sacræ paginæ Tuisconis fratrem quendam, SAMI nominis, neque ultra duos RIPHAT & THOGARMA numerant. Sin SEMUM intellexit *Aventinus*, Semus non Ascenatis frater, sed patruus magnus, seu avi frater existit, quod ex sacro Codice in vulgus notum est. Illud verò quod de ritibus Ebræorum dicitur, futile est, propterea quod manifestum est, Japhetigenas, & à Semitarum Ecclesia alienas gentes, maximopere affectasse & æmulatas fuisse instituta atque ceremonias populi sanctioris, id quod post alios nuper (c) *Petrus Daniel Huetius* eleganter demonstravit.

§. XV.

(a) in *Geograph. Sac. Phaleg. Lib. II. Cap. XVII. pag. 113.* (b) in *Præfat. ad Geograph. Sac. §. interim hic cavendum, &c. circa finem.* (c) *demonstrat. Evang. prop. IV, Cap. II, III, IV, V, VI, VII, seqq.*

§. XV. Dari etiam nonnullos, qui è CHAMICÆ posteritatis sobole CANAAN, Slavos seu Sarmatas derivatos cupiant, recenset, & redarguit *Josephus Ben Gorjon* apud (a) *Bochartum*.

§. XVI. Ceteroqui eorum, qui in Japheto ceu Sarmatarum fonte ac origine convenient, non una est eadernque de Japheti filiis sententia. *Josephus enira Ben Gorjon* Sarmatas inter filios DODANIM Javanis nepotes, Japhetique pronepotes numerat, ut testis est (b) *Bochartus*. Plures ejusdem sententiæ vide ri apud (c) *Cromerum* possunt. Idemque (d) *Bochartus* alio loco, duos saltem Japheti filios, TYRAM & JAVANEM in nostram migrasse Europam annotavit, alios etiam (e) alibi recenset, qui ad MEDOS (à MADAI Japhetis filio oriundos) ex Plinii, Melæ & Trogi suffragiis, Sarmatarum initia natalesque revocant; & ipsum ego *Bochartum* idem asserere hoc ipso crederem, quod „fortè Sarmatas ex Chaldæo שָׁר מָדָי *Sear vel Sar-Madai*, quasi Medorum reliquias dici, annotet, nisi verbis proximè antecedentibus, Sarmatas, Parthos, Medosque affines potius, quam ejusdem originis fuisse, ipse exinde colligeret, atque adeo prius illud in dubitationem vocaret. Nunc verò Philologica Historiæ immiscere propositi mei ratio vetat.

§. XVII. Plures verò, imo vel maximos calculos illorum urna habet, qui in GOMERUM ultimam Sarmatarum originem reducunt, et si tamen in Gomeri filiis non usque adeò convenient, quandoquidem alii RIPHATEM Sarmatarum Patrem constituant, alii verò THOGARMA TEM malint, pluri mi THUIS CONEM seu ASCENATEM determinent. Et (f) *Althammerus* ad INGÆVONEM usque, MANNI Filium, THUISCONIS que nepotem descendit, quem Danos & Sarmatarum nonnullos, singulatim LIVONES, Bructeros, Pomeranos & Holsazenses fundasse annotat. Aliis aliter placet.

Ego verò nunc PRIORI huic finem modumque statuo, veras gentis nostræ origines diatribæ POSTERIORI reservaturus.

(a) In *Geograph. sac. Phaleg. Lib. III. Cap. XV. p. 229.* (b) *Loc. cit.* (c) *Lib. I. Cap. II. fol. 2. a.* (d) *Phal. Lib. III. Cap. I. pag. 171. E.* (e) *ibid. Cap. XIV. pag. 225. B.* (f) *In Tacit. de Germ. apud Schard. rediv. Tom. I. fol. 5. a.*